



KENYATAAN MEDIA

27 Mac 2016

FESTIVAL A-HEART 2016: MANTAN NC BERI CERAMAH SUKARELAWAN

Pauh Putra, 27 Mac – Bersempena Festival Hab Sumber Pendidikan dan Latihan Autisme (A-Heart) 2016, mantan Naib Canselor UniMAP Brig Jen Datuk Prof Emeritus Dr Kamarudin Hussin menyampaikan ceramah mengenai sukarelawan di Dewan Ilmu, di sini hari ini.

Beliau yang juga Penasihat Menteri Pendidikan Tinggi turut berkongsi pengalaman beliau ketika masih belajar di sekolah menengah sehingga sekarang kepada kira-kira 200 pelajar dan kakitangan UniMAP.

Beliau berkata aktiviti sukarelawan tidak semestinya dengan menyumbang wang semata-mata tetapi juga boleh menyumbangkan masa dan tenaga bagi membantu golongan yang memerlukan seperti golongan kanak-kanak autistik.

Katanya, aktiviti sukarelawan bukan sahaja dapat membantu golongan yang memerlukan malah mampu mewujudkan perpaduan di kalangan masyarakat kerana dapat disertai oleh semua lapisan walaupun berbeza bangsa dan agama.

“Pendek kata, banyak kelebihan yang bakal diperolehi melalui aktiviti sukarelawan yang turut menyumbang kepada pembangunan sosio-ekonomi negara,” kata beliau.

Selain ceramah oleh Dr Kamarudin, turut diadakan ceramah yang disampaikan pemenang Women In Science L’oreal yang disampaikan penyelidik wanita UniMAP Dr Hakimah Osman dengan tajuk ‘How to Dream Big’.

Festival yang berlangsung selama tiga hari mulai 25 Mac itu turut mengadakan program-program menarik seperti Ask Hatta Dolmat, Charity Walk, Vendors Fair, dan jualan pakaian serta makanan dengan objektif utama bagi mengumpulkan dana untuk membina sebuah Pusat A-Heart di negeri ini khusus buat kanak-kanak istimewa terutama autisme di wilayah utara.

Dikeluarkan Oleh :

AININULNIZA MOHD YUSOF

Pegawai Perhubungan Media UniMAP